

Sakspapir

Sakshandsamar	Arkiv	ArkivsakID
Frank Kvinge	FA-D11, TI-&01	20/183

Saknr	Utval	Type	Dato
107/2020	Formannskapet	PS	17.11.2020
	Kommunestyret	PS	

Vedlikehaldsavtalar for idrettsanlegga i kommunen

Rådmannen sitt framlegg til vedtak:

Det vert sett av kr 180 000 for 2021 til vedlikehald av idrettsanlegg i Masfjorden. Denne summen skal indeksregulerast kvart 5. år.

Rådmannen får fullmakt til å utarbeida avtale med lag og organisasjonar for vedlikehald av idrettsanlegga i Masfjorden med følgjande fordelingsnøkkel

- Nordbygda sentralbaneanlegg 50 %
- Matre idrettspark 40 % (20 % friidrett og 20 % fotball)
- Sandnes ballbane 10 %

Straum- og forsikringskostnader ved dei aktuelle idrettsanlegga vert trekt ut av avtalane og blir dekkja over kommunalt budsjett.

Saksopplysningar:

Bakgrunn

Kommunen har i mange år hatt ein driftsavtale som gjeld vedlikehald av Nordbygda sentralbaneanlegg. Godtgjering for dette vedlikehaldet har blitt utbetalt Masfjord fotballklubb over kulturbudsjettet. Denne avtalen gjekk ut i 2019. I staden for å berre forlenge denne avtalen, ønskjer rådmannen å utvida omfanget av driftsavtalar som gjeld idrettsanlegg til å gjelda alle anlegga i kommunen.

Masfjorden kommune eig Nordbygda sentralbaneanlegg og ballbana på Sandnes. Anlegga har ingen kommunal bemanning og kommunale driftskostnader.

Kommunen eig deler av Matre idrettspark og har bruksrett for resten av anlegget i skuletida. Brukarane av desse anlegga er idrettslaga i kommunen i tillegg til skule. Skulen sitt garderobeanlegg vert nytta.

For Matre symjebasseng gjeld egne vedlikehaldsavtalar med IL Bjørn West og Einekavane dekkja

over kulturbudsjettet.

Fakta

Tidlegare praksis er at idrettslaga har teke seg av vedlikehald av anlegga, men det er berre på Nordbygda sentralbaneanlegg at det har blitt utbetalt årleg godtgjering for dette over kulturbudsjettet. Mottakar har vore Masfjord Fotball. Sum avsett til vedlikehald i budsjett har dei siste åra vore kr 155 000.

Kommunen har i 2019 kartlagt **omfang** og **status** på anlegga:

Nordbygda idrettsanlegg:

Omfang: Grasbane, friidrettsbane, treningsfelt kunstgras, sand-volleyballbane og garderobebygg / klubbhus, flomlys.

Status: Grasbane, treningsfelt kunstgras og garderobebygg/ klubbhus har god stand. Resten av anlegget er i dårleg stand og treng rehabilitering/ oppgradering.

Matre idrettspark:

Omfang: Kunstgrasbane, løpebane, tennisbane og flomlys. Leikeområde underlagt skule.

Status: Heile anlegget er i god stand. Løpebane vert reinsa annakvart år av BW. Ballbane vert reinsa regelmessig. Gjerde mot sjø krev ein del regelmessig vedlikehald grunna dåreg fundament.

Sandnes ballbane:

Omfang: Treningsfelt kunstgras, utstyrshus og flomlys. Til bana er det knytta ei Tarzanbane som vert drifta av skule og FAU.

Status: Ballbanedekket er i brukbar stand. Blir ikkje regelmessig raka. Løpebane i dårleg stand. Gras veks inn i bana. Utstyrshus treng regelmessig vedlikehald.

Masfjorden kommune dekkar i dag straumutgifter på Matre idrettspark over kulturbudsjett. På Nordbygda sentralbaneanlegg har Masfjord fotball dekkja straumkostnader som ein del av driftsavtalen. Ved idrettsbana på Sandnes er det Sandnes skule som dekkar straumutgifter.

Når det gjeld forsikring er det Bjørn West IL som ordnar dette for friidrettsdelen av Matre idrettsanlegg. Masfjorden kommune dekkar forsikring på dei kommunale anlegga.

Høyring

Idrettsrådet har i møte 26.09.20 gitt slik uttale:

Tilrådinga fra idrettsrådet er at ramma vert justert opp til minst kr. 200.000 frå og med 2021. Sjølv då kjem Nordbygda sentralbaneanlegg vesentleg dårlegare ut enn før.

Ved ei utviding av vedlikehaldsoppgavene vil den %- vise fordelinga heller ikkje harmonere. Idrettsrådet tilrår følgande fordeling:

Masfjord Fotballag 70 % omfattar Nordbygda idr.anlegg og Matre kunstgras.

Bjørn West II 20 % (raudt anlegg – løpebane og raudt dekke Matre)

Fjon II/Masfjord FL 10 % ballbane ved Sandnes skule

Vurdering

Rådmannen har som intensjon å inngå avtale på vegne av kommunen med lag og organisasjonar for vedlikehald av alle desse tre anlegga i kommunen gjeldande frå 2021. Det kan vera naturleg med to avtalar for Matre idrettspark og ein avtale for dei to andre anlegga i første omgang.

Rådmannen meiner at det i utgangspunktet kan vera naturleg å inngå avtale med lokale idretts- og fotballag, men ønskjer ikkje at det skal vere det einaste alternativet. Ein tilrår difor at fordelingsnøkkelen er knytt til idrettsanlegga og ikkje idretts- og fotballaget slik idrettsrådet skriv i sin uttale. Med eit slik vedtak kan rådmannen vurdere gjennomføring av vedlikehalde undervegs og eventuelt seia opp avtalen der dette ikkje fungerer. Målet må vera at midlane først og fremst vert brukt på eksisterande anlegg for å oppretthalda standard, og at dei kommunale anlegga her vert høgast prioritert.

I 2020 er kr 155 000 sett av til **godtgjering** i samband med driftsavtalar for idrettsanlegg. Denne summen har stått uendra i fleire år og ein vil gjennom budsjettarbeidet i haust arbeida for at summen vert auka – i første omgang til 180 000 fom 2021 og at det vert ei indeksregulering av summen kvart 5. år, der første regulering vert 01.01.26

Denne summen vil, etter det rådmannen kjenner til, vera tilstrekkeleg til å utøva eit vedlikehald av anlegga som gjer at ein kan oppretthalda standard. Ei auke til kr 200 000 (eller høgare) slik idrettsrådet skriv i sin uttale, vil vera naturleg når td Nordbygda sentralbaneanlegg er oppgradert.

Idrettsrådet har i sin uttale innspel til fordelingsnøkkelen. Dei meiner at den foreslåtte fordelingsnøkkelen mellom anlegga vil svekka vedlikehaldet ved Nordbygda sentralbaneanlegg, og kjem med framlegg til justeringar.

I Matre idrettspark eig kommunen berre delar av anlegget. Difor har ikkje kommunen same plikter her som ved dei heilkommunale anlegga. Men skulen disponerer anlegget på dagtid. Idrettslaga på si side nyttar det kommunale garderobeanlegget. Banedekket på det kommunale nærmiljøanlegget vert i dag reinsa og vedlikehalde av BW IL.

For Matre idrettspark er det naturleg at vedlikehald av kommunen sin del av anlegget blir lagt til det laget/organisasjonen som inngår avtale for friidrettsdelen sidan det er om lag ein saumlaus overgang mellom løpebane og det kommunale nærmiljøanlegget.

På bakgrunn av innspela frå Idrettsrådet og faktaopplysningane ovenfor innstiller rådmannen på slik fordelingsnøkkel:

Nordbygda sentralbaneanlegg	50 %	
Matre idrettspark	40 %	(20 % friidrett og 20 % fotball)
Sandnes ballbane	10 %	

Dette er i tråd med Idrettsrådet si innstilling.

Det naturlege vil vera at straumkostnader vert trekt ut av vedlikehaldsavtalane og dekkja av Masfjorden kommune på alle dei aktuelle anlegga.

Rådmannen meiner det er viktig med gode avtalar for idrettsanlegga, at desse er realistiske, og at det vert oppretta ein kommunikasjon som gjer at avtalane vert gjennomførte.

Avtalane gjeld til det er gjennomført ei oppgradering som krev ei endring, eller at den vert sagt opp av ein av partane.

Konklusjon

Det vert sett av kr 180 000 til vedlikehald av idrettsanlegg frå 2021 med indeksregulering frå 01.01.26.

Rådmannen får fullmakt til å utarbeida avtale med lag og organisasjonar for vedlikehald av

- Nordbygda sentralbaneanlegg
- Matre idrettspark – friidrett
- Matre idrettspark – fotball
- Sandnes ballbane

med følgjande fordelingsnøkkel

Nordbygda idrettsanlegg	50 %	
Matre idrettspark	40 %	(20 % friidrett og 20 % fotball)
Sandnes ballbane	10 %	

Straumkostnader ved dei aktuelle idrettsanlegga vert trekt ut av avtalane og blir dekkja over kommunalt budsjett.

Laga som inngår avtale må utarbeida prosedyrar for vedlikehald og loggføra utført arbeid. Prosedyrane må vera innretta slik at status for anlegger pr i dag vert oppretthalde.

Laga som har inngått avtale om vedlikehald av idrettsanlegga må i løpet av kalenderåret be om å få utbetalt **godtgjersle** på avtalesummen. Ei slik oppmoding om utbetaling av godtgjersle må innehalda ei stadfesting på at oppgåvene nedfelt i avtalen er utført.

Formannskapet - 107/2020

FS - behandling:

Rådgivear for kultur Frank Kvinge møtte til denne saka og svara på spørsmål.

Saka vart drøfta.

Framlegg til vedtak vart samrøystes tilrådd til kommunestyret.

FS - vedtak:

Det vert sett av kr 180 000 for 2021 til vedlikehald av idrettsanlegg i Masfjorden. Denne summen skal indeksregulerast kvart 5.år.

Rådmannen får fullmakt til å utarbeida avtale med lag og organisasjonar for vedlikehald av idrettsanlegga i Masfjorden med følgjande fordelingsnøkkel:

- Nordbygda sentralbaneanlegg 50 %
- Matre idrettspark 40 % (20 % friidrett og 20 % fotball)
- Sandnes ballbane 10 %

Straum- og forsikringskostnader ved dei aktuelle idrettsanlegga vert trekt ut av avtalane og blir dekke over kommunalt budsjett.